



Uunga

Inatsisartunut ilaasortaq, Tillie Martinussen, Samarbejdspartiet - Suleqatigiissitsisut

E-mailikkut uunga nassiussaq: inatsisartut@inatsisartut.gl

§37 naapertorlugu apeqquut nr. 268 Aallarnisaasarnermut takornariartitsinerimullu tunngasunik apeqquutinut akissutit

13-08-2019
Sags nr. -

Naalakkersuisut suleriaasianni § 37-mut tunngatillugu aallarnisaasarnermut takornariartitsinerimullu tunngasunik Naalakkersuisunut apeqquutillimisavutit. Apeqquutit ataani takusinnaasannik uannut akissuteqarfigisassanngorlugit innersuutaasimapput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqquut 1:

Naalakkersuisut oqaatigisinnaanerlugu nunatsinni aallarnisaasartunut suliniutit suut aallartinneqarsimanersut, Greenland Businessip aamma SIUA INUvationip saniatigut?

Akissut:

Inuussutissarsiortunut aallarnisaasunullu toqqammavissatut atugassat pitsaannerusut pilersinniarlugit inatsisit arlallit allanngortinneqarlutillu nutarsarneqarput. Inuussutissarsiornermut inatsit pisariillisagaallunilu ullutsinni pissutsinut naleqquttunngorlugu allanngortinneqarpoq. Unammilleqatigiinnermut inatsit nunatsinni niuffaffimmi pituttugaannginnerusumik unammillernissamat periarfissanik annertusaavoq. Ussasaarinermut inatsisip ussasaarinerit eqqunngitsut imaluunniit salloqittaasut inerteqqutigai, taamaalillunilu unammillertuusut ussasaarinerinut erseqqissumik toqqammavissamik qularnaarivoq. Taamaattumik inuussutissarsiutinut atugassarititaasunik nutarsaanikkut aallarnisaasup suliffimmik pilersitsinissaa oqinnerulersinneqarpoq.

Tamatuma saniatigut Kalaallit Nunaanni aallarnisaasutut inuussutissarsiutinik siuarsaannermut sulianit assigiinngitsorpassuarmit tapiissutinik ikiorsiissutinillu pissarsinissamat periarfissaqarpoq. Suliarisat taakku inuussutissarsiutinik siuarsaasutut inatsisinit nalunaarutinillu arlalinnit inatsisilersugaapput, ineriartortitsinerimut nunanullu allanut niuernerimut, ilitersugaanermut, siunnersugaanermut aamma taarsigassarsianut il.il. aningaasaqarnikkut tapiissutit ilaatigut imaralugit.

Siunissami amerlanerusut aallarnisaarusulersinniarlugit Naalakkersuisut aallarnisaanermut periutsinik killiffinni tamani atuartitsisoqartalernissaanik suliniuteqartoq Fonden for Entreprenørskab Kalaallit Nunaat aningaasaliiffigaat. Aallarnisaanermik tapersersuillunilu nukittorsanermik namminersuutigalugu aamma suliaqartoqarpoq, ilaalluni suliniut Mind Your Own Business.

Tamakku saniatigut kommuneni assigiinngitsunik suliniartoqarpoq, inuussutissarsiornermut siunnersuisooqatigiit aamma Destination Manager Organisations (DMO) aqqutigalugit ilaatigut tapersisarnermut aaqqiissutit niuernissamat pilersaarutinik il.il. pillugit

siunnersuisartunik. Kommuninut ataasiakkaanut tamanut Naalackersuisut koruunit 1,2 mio. koruunit aamma immikkoortissimavaat, taakkulu nunaqarfiit siunersioqatigalugit kommunit suliniutinut kissaatigisanut pingaarnersuisarput. Taamaalillutik nunaqarfinni isorliunerusunilu inuussutissarsiortuaqqat aallarnisaasullu agguassassanit taakkunanit kommunit aqutigalugit tapiissutinik pissarsisinnaapput.

Illassutitut suliarisatut nunatsinni takornariartitsinermik suliaqartut aallarnisaasullu takornariartitsinermik tunisassiamik ineriartortinnissaanut Visit Greenlandimit ilitsersorneqarlutillu siunnersorneqarsinnaapput. Aammattaaq takornariartitsinermik suliaqartut nittarsaassisarfinnukarsinnaaneri attaveqarfiliorsinnaanerilu Visit Greenlandip neqeroorutigaa. Takornariartitsinermik immikkoortortaqaqfimmi namminersuutigisatut aningaasaliisarnerit siuarsarniarlugit aamma takornariartitsinermik akuersissutit arlallit, inuussutissarsiortut aningaasaliissutaannik aallarnisaasullu pilersitaannik siuarsaaqataasussat illersuisussallu nalunaarutigineqarsimapput.

Naalackersuisut aalisarneq aamma tapersersugaraat, aalisakkanillu isumalluutinik ineriartortitsinermut atuinernullu iluaqutaasussanik assersuutigalugit aalisariutit nutarsarnissaannut, nutaamillu pilersitsisutut piareersaatitut suliniutinut, misileraalluni aalisarnernut assigisaannulluunniit tapiissutinik qinnuteqarnissamut periarfissaqarpoq. Aaqqiissutit Aalisarnermut, Piniarnermut Nunalerinermullu Naalackersuisoqarfimmit aqunneqarput.

Inissisimaffinni tamani inuussutissarsiortut aningaasalersugaanissamut pitsaanerusumik attaveqarnissaat Naalackersuisut aamma sulissutigaat. Taamaattumik maannakkut nunatsinni inuussutissarsiortut Eksportkreditfondenimit, Vækstfondenimit, Den Nordiske Investeringsbankimit aamma Den Europæiske Investeringsbankimit aningaasaliissutit pissarsiarinissaannut periarfissaqalerput. Kalaallit Nunaanni mittarfiliornermik suliniummi danskit akuulernissaat pillugu naalagaaffiup Naalackersuisullu akornanni isumaqatigiissutip nassatarisaanik tapiissutisinissamut aaqqiissutaareersut annertusineqarputtaaq. Kalaallit Nunaanni ataatsimoorussatut aningaasaliissutinut Greenland Venturemi aamma Vækstfondenimi aningaasaliissutitut koruunit 200 mio. immikkoortinneqarnissaat isumaqatigiissutip ilaatigut nassataraa. Inuussutissarsiorfinnut agguassassat koruuninik 20 mio.-nik imalik aamma pilersinneqassaaq, tassunga siunertaq tassaalluni toqqammavigisap taassuma iluani Greenland Venture aamma Vækstfonden ilaatigut Kalaallit Nunaanni siunissaqarluartut inuussutissarsiorfimmi suliniutit ineritinnissaannik suliaqarnermik nukittorsaasinnaanissaat.

Apeqqut 2:

Naalackersuisut oqaatigisinnaanerlugu aallarnisaasartunut, sullivinnut aallarlerlaanut aamma sullivinnut minnerusunut immikkut suliniutinik aallartitsisoqarsimanersoq (ataatsimiik qulinut sulisulinnut aamma sulliviit piginnittunit taamaallaat ingerlanneqartut eqqarsaatigalugit) takornariartitsinerup iluani?

- Taamaassimappat suliniutit suut aallartinneqarnikuuppat?

Akissut:

Naalackersuisut sinnerlugit Greenland Business tapiissuteqarnermut aaqqiissutinik arlalinnik neqerooruteqarpoq. Aaqqiissutit aallarnisaasunit, kiisalu inuussutissarsiortunit mikinerusunit anginerusunillu qinnutigineqarsinnaapput. Assersuutigalugit tunisassianik ineriartortitsinerumut, nunanut allanut nioqquteqarnissamik siuarsaasunik suliarisanut, inuussutissarsiutigisatut siunnersuisartunit ikiorserneqarnissamut, sermimik imermillu kiisalu takornariartitsinerumik suliniutinut tapiissuteqarnissamik qinnuteqartoqarsinnaavoq. Tamakku saniatigut annikitsuaqqanik taarsigassarsiaqarnissamut periarfissaqarpoq.

Tapiissuteqarnermut aaqqiissutit ilaatigut takornariartitsinerumik suliaqarfiusumi suliffinnik aallarterlaanik nukittorsaaqataassapput. Ukiuni makkunani qinnuteqaatinik aatsaat taama amerlatigisunik Greenland Business tigusaqartarpoq, tamannalu aaqqiissutit nuannarineqartuunerinik ersiutaavoq. Greenland Businessimit tapiissutaasut pitsaasumik pingaaruteqassusaat pillugit suliffeqarfiit ataatsimut isigalugit tamarmik nalunaaruteqartarput, qaqutiguumngitsukkullu suliffeqarfiup piviusumik niuernikkut suliarisap aallartisagarilerneranut tapiissutit aalajangiigajuttarput.

Greenland Businessimi, Visit Greenlandimi Greenland Venturemilu inuussutissarsiutit siuarsarnissaannut aaqqiissutit malitsigisaannik piffissami 2012-2017-imi suliffissaqartitsinerumik sunniutaasoq inuup ukiumi ataatsimi sulisarnerinut 668-inut missiliuutaavoq.

Apeqqutip 1-imut akissut aamma takuuk.

Apeqqut 3:

Namminersortuaqqanut immikkut tapiissuteqartoqartarpa, immikkut suliniuteqartoqartarpa aamma attaveqartitsisoqartarpa?

- Tassunga atatillugu immikkut eqqarsaatigalugit (sulliviit qulit ataallugit sulisullit) sulliviit piginnittunit taamaallaat ingerlanneqartut aamma kissaateqartunut takornariaqarnerup ingerlanneqarneranut amerlanngitsunik aningaasaliissuteqarniarlutik?

Akissut:

Apeqqutinut 1-imut 2-mullu akissutit takukkit.

Apeqqut 4:

Takornariartitsinerup iluani aallarnisaasartunut aamma nutaaliortartunut sunik piomasaaqateqartoqartarpa pineqartillugit pisortanit qanoq ilinerani tapiissutinik pissarsisinnaasannginnersut, apeqqut 3 akuersaartumik akineqarsimappat?

Akissut:

Nunami inuussutissarsiutinut tunngatillugu inuussutissarsionermik siursaaneq pillugu Inatsisartut inatsisaat nr. 20, 3. december 2012-meersumi tapiissutisinnaanissamut tamatigoortutut piomasaaqatit arlallit takuneqarsinnaapput.

Piomasaaqatinut ilaapput:

- Suliffeqarfik namminersortuullunilu nioqquteqartartuussaaq
- Suliffeqarfik Kalaallit Nunaannut tamakkiisumik akileraartartuussaaq
- Suliffeqarfik nunami inuussutissarsiuteqarfiit iluanni ingerlatsisuussaaq

- Suliffeqarfimmi pisortat aningaasarsiornikkut pinerlussimasutut eqqartuunneqarsimassanngillat, pisortanulluunniit annertuunik taarsigassaqaqqusaanatik
- Suliniut pisortanit najoqqutarisanit allanit tapiissutinik pissarseqqusaanngilaq
- Suliniut sapinngisamik siammassinnerpaamik Kalaallit Nunaannit pilersuisartunit atugaqassaaq
- Suliniut tapiissuteqarfiup nalaata iluani ingerlanneqassaaq, suliarisallu akuersissuteqarnerup kingornatigut ingerlanneqassapput
- Ingerlatsinermut tapiissutinik tunniussisoqarsinnaanngilaq, taamaattumillu suliniummi aalajangersimasumik nutarsiasartaqartariaqarpoq.

Apeqqut 5:

Piumasaqaatit suut tunngavigalugit tapiissutinik tunniussisoqartarpa, apeqqut 3 akuersaartumik akineqarsimappat? Aamma sulliviit minnerit eqqarsaatigalugit immikkut tapiissutinik qinnuteqartoqarsinnaava kiisalu sulliviit piginnittunit taamaallaat ingerlanneqartut immikkut eqqarsaatigalugit?

Akissut:

Nunami inuussutissarsiutit siuarsarnissaannut tapiiffigineqarnissamik neriorsuineq inunnut imaluunniit suliffeqarfinnut tigussaasunut Kalaallit Nunaanni najugaqartunut imaluunniit nalunaarsorsimasunut, kiisalu Kalaallit Nunaanni tamakkiisumik akileraartussaataitasunut taamaallaat tunniunneqarsinnaavoq. Assersuutigalugu suliffeqarfinnut inuit ataasiinnaat ingerlataannut immikkut ittumik tapiissuteqartarnerit pillugit inatsimmi tassani immikkut ittumik eqqartuisoqanngilaq.

Tamakku saniatigut Greenland Businessip ilisimatitsissutigai:

”Inuussutissarsiorfiit siuarsarnissaannut aaqqiissutinut suliniutinut tapiissutisinnissamik qinnuteqartunut najoqqutassatut piumasaqaatit saniatigut suliniutit ataasiakkaat ingerlatsinermik inuiaqatigiinnullu aningaasaqarnikkut nalilersuiffigineqartarput (inatsimmit piumasaqaatigineqartutut). Nalilersuineramik tassannga Greenland Businessimi tapiissutinik akuersisartutut ataatsimiititaliaq isumaginnittarpoq. Qinnuteqartup pisarialittut makkuninnga peqarnera nalilersuutaasarpoq:

- *Suliniutip piviusunngortinnissaanut ilisimasaqarneq.*
- *Suliniutip piviusunngortinnissaanut piginnaasaqarneq.*
- *Isumassarsiap piviusunngortinnissaanut piumasaqarneq naammannersoq.*
- *Isumassarsiap piviusunngortinnissaanut aningaasaliissutit naammannersut.*
- *Isumassarsiap piviusunngortinnissaanut suliffissamut toqqammavissat inissinneqarsimannersut.*

Tamakkiisumik isiginnittut nalilersuineq aallaavigalugu Greenland Business aamma aalajangiisarpoq, tassani pitsaasumik aqutseriaaseqarnissaq sianigineqarluni, ilanngullugu pisortat aningaasaliissutaanik atugaqarnermik ingasaassinaveersaarineq. Greenland Business naapertorlugu uppersaanissamut piumasaqaat ingerlatseqatigiiffinnut suliffeqarfinnullu anginerusunut naleqqiullugu suliffeqarfinnut inuit ataasiakkaat ingerlataannut annikitsunut aallararterlaanut nalinginnarmik annikinnerusarpoq.”

Apeqquut 4-mik akissut aamma takuuk.

Apeqquut 6:

Aallarnisaasartut mikisunik suliffiutillit naapertuuttumik unammillerneqarnissaat qularnaarumallugu suliniutit suut aallartinneqarnikuppat, taakku Namminersorlutik Oqartussanit tamakkiisumik ilaannakoortumilluunniit pigineqartunit unammillerneqarsimappata aamma/imaluunniit inuussutissarsiutit taaneqartut iluanni kommuninit pigineqartunit sullivinnit unammillerneqarsimappata?

Akissut:

Atuisartoqarnermut Unammilleqatigiinnermullu Aqutsisoqarfimmit akissut manna pissarsiarineqarpoq:

"2014-imi upernaakkut unammilleqatigiinnermut inatsit atuuttoq Inatsisartut akerliusoqaratik akuersissutigaat. Inatsisip pingaarnertut anguniagaa tassaavoq suliffeqarfinnut atuisartunullu iluaqutaasussamik sunniutilittut unammillerneq aqutugalugu inuiaqatigiinnut tunngasutut isumalluutinik atuinerup sunniuteqartup siuarsarnissaa, takuuk unammilleqatigiinnermut inatsimmi § 1.

Taamaattumik ilaatigut nunatsinni niuffaffinni unammilleqatigiinnikkut akuliutinnginnissap isumaginissaanut periarfissaq unammilleqatigiinnermut inatsimmi ilanngunneqarsimavoq, takuuk unammilleqatigiinnermut inatsimmi §§ 13-14. Unammilleqatigiinnikkut akuliutinnginnissap pisortani oqartussaasunit inuussutissarsiornikkut suliarisamit aqunneqartumilluunniit naammaginangitsumik unammillernermit equtitsinermit namminersortutut suliffeqarfiit illersussavai."

Apeqquut 7:

Naalackersuisut isumaqarpat namminersortut naapertuuttumik pitsaasunillu atugaqartinneqartut immaqaluunniit pisortanit pigineqartuni ingerlatseqatigiiffinnit takornarialerisunut naleqqiullutik atugarissaarnerusut?
- Oqarama sulliviit pisortanit tamakkiisumik ilaannakoortumilluunniit pigineqartut aamma eqqarsaatigaakka angalatitseqatigiiffiit, akunnittarfiit, allaffiit takornarialerisut Kalaallit Nunaannilu ataatsimoortut misigisassat pillugit neqeroorutigineqartartut?

Akissut:

Inuussutissarsiutinik siuarsaaneq pillugu inatsit naapertorlugu taamaallaat suliffeqarfiit namminersortunit pigineqartut tapiiffigineqarsinnaapput.

Assersuutigalugu takornariartitsinermit siunertalinnut akuersissutinik atugassiinikkut Naalackersuisut pingaarnertullugu anguniagaat tassaavoq takornariartitsinermit namminersuutigalugu aningaasaleerusussutimik tapersersuinissaq. Tamanna ilutigalugu takornariartitsinermit innuttaasuni najugaqavissut peqataanissaannut pitsaanagerusumik periarfissaqarnissaannut Naalackersuisut aqutissiuerusupput, tassuunakkut takornariartitsinermit inuussutissarsiorfimmit innuttaasuni najugaqavissut aamma aningaasaqarnikkut annertunerusumik iluaquteqarnissaat qulakkeerneqassamat.

Taamaallillutik akuersissuteqarnermik suliaqarnermikkut Naalakkersuisut namminersortutut inuussutissarsiortunut toqqammavissanik pitsaannerusunik pilersitsinissaq kissaatigisimavaat, tamannalu nunami namminermit takornariartitsinermit immikkoortortamut pilersaarummut piumasarineqarsimasumut assinguvoq.

Apeqquut 6-imut akissut aamma takuuk.

Apeqquut 8:

Naalakkersuisut sunik nakkutilliissutinik peqarpat eqqunngitsumik unammilleqatigiittoqannginnissaa qularnaarniarlugu?

- Tassani eqqarsaatigaakka ingerlatseqatigiiffiit tamakkiisumik ilaannakoortumilluunniit Namminersorlutik Oqartussanit pigineqartut namminersorlutik suliffilorsimasunut naleqqiullugit?

Akissut:

Atuisartoqarnermut Unammilleqatigiinnermullu Aqutsisoqarfimmit akissut manna pissarsiarineqarpoq:

”Nakkutilliisartutut pisortatut Unammilleqatigiinnermut Ataatsimiititaliaq inuussutissarsiortermit suliaqarnermut aalajangersimasumik iluseqartunut pisortanit unammillernermit equtitsisutut tapiissuteqarnermit unitsitsinnaavoq, tamanna pisortat maleruagassiinerat naapertorlugu inatsisinut naapertuutinngippat, takuuk unammilleqatigiinnermut inatsimmi § 12.

Tamatuma saniatigut niuffaffimmi aalajangersimasumi unammilleqatigiinnermut ajoqutaasinnaasunik pisortani oqartussaasut inuussutissarsiornikkut suliarisanik ingerlatsinerannik unitsitseqqusinissamut unammilleqatigiinnermut inatsimmi § 13 aamma periarfissiivoq. Unammilleqatigiinnermut inatsimmi § 14 malillugu peqqussutit taama ittut aamma ilaatigut suliffeqarfinnut pisortani oqartussaasut aalajangiiffigisinnaasaannut tunngasuutinneqarsinnaapput.

Pisortat inuussutissarsiortermit suliarisaasa sunniuteqarluartumik unammillernermit tunngavigisanik equtitsisinnaanerit, imaluunniit sunniuteqarluartumik unammillernermit tunngavigisat ineriartortinnissaannik kigaallassaasinnaanera nalilersugaassappat unammilleqatigiinnermut § 13 malillugu inerteqquseereertoqarsinnaavoq.

Taamaattorli inatsimmi tunngaveqartumi, allatulluunniit pisortat inatsilersugaanni pisortat inuussutissarsiornikkut suliaqarfiannut tunngasumik inerteqqusiisoqarsinnaangilaq, takuuk unammilleqatigiinnermut inatsimmi § 13, imm. 2, assersuullugu § 2-mi imm. 2.

Niuffaffinni pisortat suliffinnik ingerlassaqarnerat piviusutigut sunniuteqarluartumik unammillernermit tunngavigisanik equtitsisinnaaffiini, imaluunniit tunngavigisanik taama ittunik pigisaqarnermit imaluunniit ineriartortitsinermit kigaallassaaniarnermit atugaaffianni niuffaffinni unammillernerup sunniuteqarluallernissaanut pitsaannerusunik periarfissanik aalajangersakkat tunniussaartussaapput.

Taamaalillutik parlattuanik pisortat inuussutissarsiorfinnik ingerlatsinerannut tamatigoortutut inerteqquteqarnissaq pillugu kissaatigisatut aalajangerskkat takussutissaanngillat, pisortat inuussutissarsiorfinnik suliarisaat ajornartortaqaaraniluunniit unammillertitsinermik pilersitsisuunngitsunik niuffaffeqarmat."

Inussiarnersumik inuulluaqqusillunga



Jess Svane